

Broj: 09-14-6-3594-9/17

Datum: 15.06.2017. godine

Temeljem člana 64. stav (1) tačka b., člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 5. stav (2) Pravilnika o uspostavljanju i radu Komisije za javne nabavke, na Preporuku Stalne komisije za pripremu, pokretanje i provođenje odobrenih postupaka javne nabavke roba, vršenje usluga i izvođenja radova za 2017. godinu za Federalno ministarstvo financija – finansija broj: 09-14-6-3594-7/17 od 14.06.2017. godine, u postupku javne nabavke – Nabavka Oracle application licenci za virtualizacijsko okruženje FMF, Federalna ministrica financija –finansija donosi

ODLUKU o izboru najpovoljnijeg ponuđača

Član 1.

Prihvata se Preporuka Stalne komisije za javne nabavke, broj: 09-14-6-3594-7/17 od 14.06.2017. godine i ugovor za javnu nabavku - Nabavka Oracle application licenci za virtualizacijsko okruženje FMF dodjeljuje se ponuđaču „PING“ d.o.o. Sarajevo, ponuda broj: 139/2017 od 12.06.2017. godine, za ponudenu cijenu od **132.865,32 KM, bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove Federalnog ministarstva financija –finansija.

Član 4.

Ova odluka objavit će se na web-stranici www.fmf.gov.ba, istovremeno s upućivanjem ponuđačima koji su učestvovali u postupku javne nabavke, sukladno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, sukladno članu 71. stav (2) Zakona o javnim nabavkama.



Obrazloženje

Postupak javne nabavke pokrenut je Odlukom Federalne ministricе financija – finansija o pokretanju postupka javne nabavke - Nabavka Oracle application licenci za virtualizacijsko okruženje FMF, broj: 09-14-6-3594/17 od 16.05.2017. godine. Postupak javne nabavke proveden je putem otvorenog postupka u skladu sa Zakonom o javnim nabavkama i podzakonskim aktima. Procijenjena vrijednost javne nabavke bez PDV-a je 165.000,00 KM. Obavijest o nabavci broj: 810-1-1-34-3-6/17 objavljena je na Portalu javnih nabavki dana 23.05.2017.godine, sažetak Obavještenja o nabavci objavljen je u „Službenom glasniku BiH“, broj: 40 od 02.06.2017. godine (SI-7439-17).

Tendersku dokumentaciju, objavljenu na Portalu javnih nabavki preuzeli su sljedeći ponuđači:

- „INSTRUMENTS“
- „Ekapija“ d.o.o.
- „Infostrim“ d.o.o.
- „PING“ d.o.o.
- „BBS Europe“
- „PROINTER ITSS“ d.o.o.
- „INFO STUDIO“ d.o.o.“ Sarajevo
- „SIK“ Mostar
- „LANACO“ d.o.o.
- Udruženje za borbu protiv korupcije „Transparency International“ u BiH
- „QSS“ d.o.o.

Stalna komisija za javnu nabavku imenovana je Rješenjem broj: 03-05-1-1182/17 od 20.02.2017. godine.

Komisija za javnu nabavku dostavila je dana 15.06.2017. godine Izvještaj o radu broj: 09-14-6-3594-8/17 od 14.06.2017. godine, Zapisnik o ocjeni ponuda, broj: 09-14-6-3594-6/17 i Preporuku o izboru najpovoljnijeg ponuđača broj:09-14-6-3594-7/17 od 14.06.2017. godine, u postupku javne nabavke – Nabavka Oracle application licenci za virtualizacijsko okruženje FMF.

U postupku po izvješću o radu je utvrđeno je da je Stalna komisija za javnu nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (slovima: jedna).
- da je blagovremeno zaprimljeno 1 (slovima: jedna) ponuda.
- da je neblagovremeno zaprimljeno 0 (slovima: nula) ponuda.
- da je pristigla ponuda ponuđača „Ping“ d.o.o. Sarajevo prihvatljiva iz razloga što je ponuđena cijena najniža cijena tehnički zadovoljavajuće ponude (procijenjena vrijednost 165.000,00 KM bez PDV-a).

U postupku donošenja ove odluke, posebno su cijenjene činjenice da je Stalna komisija za javnu nabavku, pravilno i potpuno, izvršila ocjenu kvalificiranosti ponuđača te ocjenu prispjele ponude, sukladno kriterijima iz Tenderske dokumentacije.

U postupku ocjene provedenog postupka, rukovoditelj ugovornog tijela nije našao razloge, nepravilnosti niti propuste u radu, koji bi eventualno bili osnova za neprihvatanje preporuke Stalne komisije za javnu nabavku.

Naime, u postupku je ocijenjeno da je Stalna komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom u cijelosti se prihvata zapisnik o ocjeni ponuda.

U skladu s kriterijem najniža cijena tehnički zadovoljavajuće ponude - Nabavka Oracle application licenci za virtualizacijsko okruženje FMF dodjeljuje se ugovor ponuđaču „Ping“ d.o.o. Sarajevo u ukupnoj vrijednosti nabavke 132.865,32 KM, bez PDV-a.

Vrijednost Ugovora koji će se zaključiti po osnovu provedene nabavke 155.452,42 KM s PDV-om.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke, u skladu s članom 99. i članom 101. Zakona o javnim nabavkama.